



## **Universitätsbibliothek Paderborn**

**Agenda Dioecesis Paderbornensis Rituali Romano  
accommodata**

**Hermann Werner <Paderborn, Bischof>**

**Nevhsii, 1687**

De ijs quæ in Sacramentorum administratione generaliter observanda sunt.

**urn:nbn:de:hbz:466:1-36005**



## DE IIS

## QVÆ IN SACRAMENTORVM

## ADMINISTRATIONE

## GENERALITER SERVANDA SVNT.



**T**ea, quæ ex antiquis Catholicæ Ecclesiæ institutis, & sacrorum Canonum, summorumq; Pontificum decretis de Sacramentorum ritibus ac cæremoniis hoc loco præscribuntur, qua pars est, diligentia ac religione custodiantur, & ubiq; fideliter serventur; illud ante omnia scire & observare convenit, quod Sacrosancta Tridentina Synodus de iis ritibus *Sess. 7. Can. 13.* decrevit in hæc verba:

**S**i quis dixerit, receptos & approbatos Ecclesiæ Catholicæ ritus in solemni Sacramentorum administratione adhiberi consuetos, aut contemni, aut sine peccato à ministris pro libito omitti, aut in novos alios per quemcumque Ecclesiarum Pastorem mutari posse, anathema sit.

Cum igitur in Ecclesia Dei nihil sanctius, aut utilius, nihilq; excellentius, aut magis divinum habeatur, quam Sacraenta ad humani generis salutem à Christo Domino instituta; Parochus, vel quivis alius Sacerdos, ad quem eorum administratio pertinet, meminisse debet imprimis, se sancta tractare; atq; omni ferè temporis momento ad tam sanctæ administrationis officium paratum esse oportere.

Quamobrem illud perpetuò curabit, ut integrè, castè, pieq; vitam agat: nam, et si Sacraenta ab impuris coquinari non possint, neq; à pravis ministris eorum effectus impediri; impuretamen & indignè ea administrantes, in æternæ damnationis reatum incidunt. Sacerdos igitur, si fuerit peccati mortalis sibi conscientis (quod absit) ad Sacramentorum administrationem non audeat accedere: nisi priùs corde pœnitiat: sed si habeat copiam Confessarij, & temporis loci que ratioferat, confiteri debet.

Quacunque die ac noctis horâ ad Sacraenta ministranda vocabitur, nullam officio suo præstanto (præfertim si necessitas urgeat) moram interponat. Ac propterea populum sèpè, prout se se offeret occasio præmonebit, ut cum sacro ministerio opus fuerit, se quamprimum advocet, nulla temporis aut cuiuscunque incommodi habita ratione.

Ipse vero antequam ad hujusmodi administrationem accedat, paululum, si opportunitas dabitur orationi, & sacræ tui, quam acturus est, meditationi vacabit, atque ordinem ministrandi & cæremonias pro temporis spatio prævidebit & perleget.

In omni Sacramentorum administratione superpelliceo sit indutus, & desuper stolâ ejus coloris, quem Sacramenti ritus expolcit, nisi in Sacramento pœnitentiæ ministrando occasio, vel consuetudo, vel locus interdum aliter suadeat.

Curabit etiam, ut sacra supellex, vestes, ornamenta, linteamina, & vasa ministerij, integra, nitidaque sint & munda.

In Sacramentorum administratione eorum virtutem, usum, ac utilitatem, & cæremoniarum significaciones, ut Concilium Tridentinum præcipit, ex sanctorum Patrum, & Catechismi Romani doctrina, ubi commodè fieri poterit, diligenter explicabit.

Dum

## Instructio[n]es Generales.

Dum Sacramentum aliquod ministrat, singula verba, quæ ad illius formam & ministerium pertinent, attente, distincte, & piè claraq[ue], voce pronuntiabit. Similiter & alias orationes & preces devotè & religiosè dicet; nec memoriar[um], quæ labilis, confidet; sed omnia recitabit ex libro. Reliquas præterea cæremonias ac ritus ita decenter, graviq[ue], actione peraget, ut astantes ad cælestium rerum cogitationem erigat, & attentos reddat.

Administrandum procedens, rei, quam tractaturus est, intentus sit; nec de iis, quæ ad ipsum non pertinent, quidquam cum aliquo loquatur, in ipsaq[ue] administratione actualē attentionem & intentionem habere studeat, vel saltem virtualem faciendi, quod in eo facit Ecclesia.

Illud porro diligenter caveat, ne in Sacramentorum administratione aliquid, quavis de causâ, directe vel indirecte exigat, aut petat; sed ea gratis ministret, & ut omni Simon[um] & vel avaritiæ suspicione, nedum crimine, longissimè absit. Si quid vero nomine eleemosynæ, aut devotionis studio, peracto jam Sacramento, sponte à fidelibus offeratur, id licite pro consuetudine locorum accipere poterit, nisi aliter Episcopo videatur.

Fidelibus alienæ parochiæ Sacraenta non ministrabit, nisi necessitatis causâ, vel delicienâ Parochi, vel Ordinarij.

Omnes autem, qui Sacraenta suscipiunt, loco, & tempore opportuno monebit, ut remoto inani colloquio, habitu, actuq[ue], indecenti, piè ac devotè Sacramentis interficiant, & ea, qua pars est, reverentiâ suscipiant.

Librum hunc Ritualem (ubi opus fuerit) semper, cum ministrabit, secum habebit, ritusq[ue] ac cæremonias in eo præscriptas diligentè observabit.

Cæterum, illorum tantum Sacramentorum, quorum administratio ad Parochos pertinet, ritus hoc opere præscribuntur: cuiusmodi sunt, Baptismus, Pœnitentia, Eucharistia, Extrema unctio, & Matrimonium. Reliqua verò duo Sacraenta Confirmationis, & Ordinis, cum Episcoporum sint, ritus suos habent in Pontificali præscriptos. Et ea quæ de ijs, alijsq[ue] Sacramentis, scire, servare, & docere Parochi debent, ex Cathechismo Romano, Nucleo Catechetico, alijsq[ue] libris desumi possunt. Siquidem hic de ijs ferè tantum agere, instituti operis ratio postulat, quæ ad ipsorum quinque Sacramentorum ritus pertinent.



DE